

NGUVA YO FAYILA EKA VANHU HI VOXE YA 2020

Ku seketela xikombelo xa Phuresidente eka ntungu wa Covid-19, xa leswaku ku endliwa Mpfhuka exikarhi ka Vanhu hi mikarhi hinkwayo na leswaku hi fanele hi tshama tindlwini no hunguta ku fambafamba, SARS yi hlamula hi xihatla hi ku ndlandlamuxa matshalatshala ma yona mo ya emahlweni ma olovisa swilaveko swo fayila ntlheriso wa xibalo eka vahakelaxibalo hi voxu no susa xilaveko xo ya eMarhavini Ma hina hi 2020. Hi ntirhiso lowu engeteriweke wa switiviwa swa vandla ra vunharhu, SARS yi ta ku tatela ntlheriso wa wena wa xibalo hi ku lulama ku tlula khale. Laha hi nga ta lava vuxokoxoko hi ta ku nyika nhlelelo lowu ringanyetiweke handle ka laveko wo fayila ntlheriso wa xibalo. Leswi swi ku kotisa ku languta, ku amukela kumbe ku lulamisa nhlelelo wa wena lowu ringanyetiweke ekaya ra wena kumbe ndhawu ya ntirho hi ku tirhisa [eFiling](#) kumbe SARS MobiApp.

Masiku mo fayila Ntlheriso wa Xibalo xa Malinghena xa Vanhu hi Voxe

- Ti1 Ndzhati 2020 ku fikela ti 16 Hukuri 2020: Vahakelaxibalo lava fayilaka eka [inthanete](#)
- Ti1 Ndzhati ku fikela ti 22 Nhlangua 2020: Vahakelaxibalo lava nga ta ka va nga koti ku fayila hi ndlela ya xielekitironiki va nga endla tano eka rhavini ra SARS hi [xitshembhisano](#)
- Ti1 Ndzhati 2020 ku fikela ti 31 Sunguti 2021: Vahakelaxibalo va nkarhinyana lava fayilaka hi [ndlela ya xielekitironiki](#).

Ku pfuriwa ka ku fayila eka vanhu hi voxu

Vahakelaxibalo, nkarhi wa n'wina wo fayila ntlheriso wu sungula hi ti1 Ndzhati lembe leri. Mahungu ma kahle hi leswaku nhlayo leyikulu ya vahakelaxibalo hi voxu yi ta hleleriwa hi ndlela leyi tiendlekelaka hi yoxu lembe leri naswona phurosese leyi yi ta humelela hi Mhawuri. A wu fanelanga ku hi bela riqingho, hi ta ku rhumela SMS loko ku ve a hlawuleriwile nhlelelo lowu tiendlekelaka hi voxu. Loko u amukela nhlelelo wa wena lowu tiendlekelaka hi voxu, hakelohansi kumbe hakelohenhla yin'wana na yin'wana yi ta phurosese tanihi ntolovelu. Loko u lava ku lulamisa ntlheriso wa wena, u nga fayila ntlheriso wa wena eka eFiling ku sukela hi ti1 Ndzhati.

A wu fanelanga ku ba riqingho

Vahakelaxibalo, timhaka ta n'wina ta xibalo ti le mavokweni mo antswa loko mi tirhisa eFiling kumbe SARS MobiApp. Tsarisa phurofayili ya wena sweswi ku tiyisisa ntokoto wo fayila lowu fambaka kahle. A wu fanelangi ku hi bela riqingho u nga [titsarisela eka inthanete](#) kumbe u kopa MobiApp eka foni kumbe *tablet* ya wena.

Hi ta ku fayilela

Vahakelaxibalo, xibalo xa n'wina i xa nkoka, hi ya emahlweni hi endla swi olova leswaku u landzelerisa. Hi Mhawuri, hi ta va hi hlela nhlayo leyikulu ya vahakelaxibalo hi ndlela leyi tiendlekelaka hi yoxu. Loko u amukela mbuyelo a wu fanelanga ku fayila ntlheriso wa xibalo. Hi hlelela hi ndlela leyi tiendlekelaka hi yoxu hi ku ya hi switiviwa leswi hi swi kumaka ku suka eka vathori, mavandla ya swa timali, swikimi swa vutshunguri, valawuri va mikwama ya rhithayamente anyuwithi na vanyiki wa switiviwa swa vandla ra vunharhu. Loko u nga se kuma IRP5/IT3(a)s ya wena na tisetifikheti tin'wana ta xibalo to fana na setifikheti ya swa vutshunguri, setifikheti ya nkqama wa rhithayamente anyuwithi na switiviwa swin'wana swa vandla ra vunharhu leswi faneleke eku kumisiseni ka swiboho swa wena swa xibalo, u fanele ku tshunelela muthori wa wena kumbe xikimi xa swa vutshunguri, kumbe nkqama wa rhithayamente anyuwithi kumbe vanyiki van'wana va switiviwa swa vandla ra vunharhu ku tiyisisa leswaku va landzelerisa swilaveko swa vona swa rhumelo.

[Hi landzeleli eka Social Media ku kuma Switsundzuxo swa Xibalo swa siku na siku](#), kumbe u languta webupheji leyi ku kuma vuxokoxoko hinkwabyo.